



STUDIA „CUNTINUAR IL SVILUP DALLA FORMAZIUN ECCLESIASTICA CUN AFFONS E GIUVENILS“
KIRCHGASSE 9, CH-8001 TURITG

Facultad da teologia
professura per teologia pratica
prof.dr. Thomas Schlag
Kirchgasse 9
CH-8001 Turitg
tel: 0041 44 634 47 85
e-mail: thomas.schlag@theol.uzh.ch

COLLABORATURA SCIENTIFICA
FABIENNE GREUTER
tel 078 775 68 33
Sclariments pertuccont la studia retscheveis
Vus bugen per mail:
fabienne.greuter@uzh.ch

Allas/als presidentas/presidents e responsablas/responsabels per purschidas da formaziun ecclesiasticas al scalem primar e per la lavur da confirmandas/confirmands

Turitg, matg 2021

Invitaziun alla participaziun dalla studia „Cuntinuar il svilup dalla formaziun ecclesiastica cun affons e giuvenils“

Zun preziadas presidentas e zun prezias presidents da pleiv
Zun preziadas responsablas e zun prezias responsabels per las purschidas d'instrucziun ecclesiasticas al scalem primar e per la lavur da confirmandas/confirmands

Cun quei scriver lein nus envidar vus da separticipar alla studia „Cuntinuar il svilup dalla formaziun ecclesiastica cun affons e giuvenils“ la quala vegn a vegnir exequida durant ils onns 2021 entochen 2023 entras las facultads da teologia da Turitg e Berna.

Da tgei setracta ei ella studia?

La studia ei partida en duas studias parzialas: D'ina vart vegn ei a dar ina **studia per la lavur da confirmandas/confirmands** (LCCH – Lavur da confirmandas/confirmands en Svizra). Quella ei colligiada culla „reit per lavur da confirmandas/confirmands europea“ e vegn exequida uss gia per la tierza ga.

Per l'autra vegn ei a dar ina **studia concernent las purschidas da formaziun ecclesiasticas al scalem primar** (PPSP – Purschidas da pedagogia da religiun al scalem primar). Ina tala retschercha ei aunc mai vegnida fatga en Svizra, aschia ch'ins vegn a survegnir in'investa empirica egl andament da formaziun ecclesiastic da quell'impurtonta classa da vegliadetgna.

Omisduas studias duein possibilitar ina megliera orientaziun concernent experientschas e spetgas visavi **programs da formaziun ecclesiastics**. L'emprema ga eis ei uss era pusseivel d'intercurir e da cumparegliar **la consonanza dad omisduas gruppas da vegliadetgna**, specialmein en vesta alla **fasa transitoria denter il temps dalla primara ed il temps da confirmandas/confirmands**.

Ei seresultan aschia denter auter las suandontas **damondas**:

- Tgei effect han differentas concepziuns da formaziun ecclesiastica sillas experientschas dad affons e giuvenils?
- Tgei experientschas influenzeschan il secuntener dalla partecipaziun a moda positiva, tgeininas a moda negativa?
- Tgei formats visetan ils affons e giuvenils bugen?
- Tgei emperndan ils affons e giuvenils en purschidas da formaziun ecclesiasticas?
- Tgei experientschas relevantas per la veta fan ei?
- Tgei motivaziuns e spetgas apportan catechetas/catechets e persunas pastorales sco era ulteriuras collaboraturas voluntarias/ulteriurs collaboraturs voluntaris?
- Co san ins construir punts denter las singulas purschidas e crear ellas il pli attractiv pusseivel?

Tgi vegn dumandada/dumandaus ella studia?

La studia vegn a sclarir quella ed autras damondas cun agid da pliras perspectivas: En omisduas studias vegnan buca mo **affons** e **giuvenils** dumandai, mobein era **collaboraturas/collaboraturs** e **geniturs**.

Co vegn la studia exequida?

Per la studia pertuccont la lavur da confirmandas/confirmands ein **duas enquistas** planisadas, ina all'entschatta dil temps dalla **lavur da confirmandas/confirmands** igl **atun 2021 (t1)** ed ina cuort avon la confirmaziun la **primavera 2022 (t2)**:

- Al termin t1 vegnan las confirmandas/ils confirmands e las collaboraturas/ils collaboraturs dumandadas/dumandai,
- al termin t2 sper quellas duas gruppas era ils geniturs.
- Sche la lavur da confirmandas/confirmands va sur plirs onns, vegn l'enquista fatga ellas annadas ch'ei el davos onn.

Per la studia al **scalem primar** vegn ei a dar **ina suletta enquista**:

Quella vegn a ver liug **la primavera 2022**:

- Dumandai vegnan affons alla fin dil scalem primar (pia per occurenzas ella 5avla e 6avla classa sche talas han liug ella primavera 2022), las collaboraturas/ils collaboraturs ed ils geniturs.

L'enquista ha liug sur in **online-tool**. Quei possibilitescha buca mo ina rimnada da datas pli semplia, mobein porscha era a Vus la pussevliadad da retscheiver in resun direct perquei che quei tool furnescha immediatamein simplas calculaziuns statisticas. Quei online-tool vegn buca mo concepius per la studia, mobein vegn era a star a disposiziun suenter la studia allas pleivs e vegn aschia a possibilitar ina evaluaziun sperta dallas purschidas ecclesiasticas.

La protecziun da datas ei absolutamein centrala per gl'entir project. La studia s'orientescha vid las **dispoziziuns actualas davart la protecziun da datas** ed ei vegn luvrau ora ulteriuramein in **plan da management dallas datas**. La retscherca vegn fatga anonimamein ed il tool ei programaus aschia ch'ina retropersecuziun dallas datas ei buca pussevla. Era Vossas datas da cuntact vegnan tractadas absolutamein discret e duvradas sulettamein per questa retscherca.

La lavur per las singulas pleivs tenin nus aschi pintga sco pusseivel. Vus vegnis a retscheiver tuttas informaziuns per mail. Igl online-tool tschaffa las rispostas automaticamein,

aschia ch'in tarmetter vi e neu mulestus da questiunaris per posta vegn buc ad esser necessari.

Tgi sa separticipar alla studia?

Alla retscherca resp. alla studia san **tut las pleivs** prender part che han ina grupp da confirmandas/confirmands ni organischeschan occurenzas da formaziun (era ecumenas) per la 5avla u 6avla classa primara. Ei dat negina limitaziun da participaziun. Sche Vus veis pia pliras gruppas, astgan tuttas/tuts prender part alla studia.

Nus lein **envidar tuttas pleivs perquei che nus spitgein aschia in maletg vast dallas differentas purschidas e concepziuns**. La studia porscha denton era a Vus ina **plivaleta** perquei che Vus retscheveis in resun da Vossas purschidas.

Co saveis Vus separticipar alla studia?

Sche Vus leis separticipar alla studia supplichein nus Vus perquei da tarmetter las **datas da contact** sco suonda **entochen ils 31 da matg 2021 a Fabienne Greuter** (fabienne.greuter@uzh.ch):

- num dalla pleiv
- adressa dalla pleiv
- Vies num e prenum
- Vossa adressa dad e-mail
- studia alla quala Vus separticipais (studia da confirmands ni studia per las purschidas ecclesiasticas al scalem primar)
- diember da gruppas/classas participontas
- diember d'affons/giuvenils per grupp

Ell'aschunta anfleis Vus in formular che Vus emplenis per quei intent. Ils questiunaris ein creai aschia ch'igl ei pusseivel d'enquistar igl andament da formaziun ellas baselgias dalla Svizra il pli datier dalla pratica sco pusseivel. Ils resultats duein porscher basas per crear las purschidas ecclesiasticas per affons e giuvenils aunc pli attractivas, pli orientadas allas gruppas da finamira e pli persistentas. Perquei lein nus **metter la participaziun dalla studia a Vus a cor**.

Per damondas ed ulteriuras informaziuns stat Fabienne Greuter (fabienne.greuter@uzh.ch / 078 775 68 33) bugen a disposiziun a Vus.

Cun salids cordials

Prof. Dr. Thomas Schlag

Fabienne Greuter

PD Dr. Stefanie Lorenzen

Dr. Rahel Voirol-Sturzenegger